



Эфесдегилеге язылган кагъыз

Эфеслилени аты тутулуп язылса да, Павелни бу кагъызы айланадагъы вилаятлардагъы бары да иман салгъанлар учун язылган. Кагъыз элчини Румдагъы туснакъда олтургъан вакътисинде язылган болмагъа ярай. Павел бу кагъызында инсанланы къутгъармакъ учунгъу Аллагъны хыялын яшавгъа чыгъарывда Месигъни айрыча агъамиятлыгъы гъакъда айта. Шогъар асаслана туруп, элчи Исагъа иман салгъанланы бирикген агълюсюндеги яшавун сёйлей: Аллагъ олагъа Исагъа иман салгъанланы бирикген жыйыныны ортакъчылары болмагъа чакъырыв этген, оланы иманыны кюрчюсю болуп да хачда оьлтюрюлюп, сонг тирилген Иса Месигъ токътай. Павел жыйынны инсанны къаракъарасы булан тенгледире: къаркъараны бир саны да оьзгелеринден айрыча яшамагъа болмайгъаны йимик, Исагъа иман салгъан инсан да янгыз оьзю учун яшап турмагъа тюшмей. Исагъа иман салгъанланы жыйынындагъылары гъарисине оьзюню бир хас иши инанылып тапшурулгъан, шо саялы да бирисини къуллугъун башгъасыныкинден артыкъ гёрмеге ярамай. Исагъа иман салгъанлар янгыз бирликде бу дюньядагъы яманлыкъгъа къаршы токътамагъа болалар.

Кагъызын тамамлай туруп, Павел иман салгъанланы гъар гюнлюк яшавлукъ масъалаларына да тергевюн бакъдыра: мунда эрлени ва къатынланы, ата-аналаны ва авлетлени, гъакимлени ва олагъа таби болгъанланы аралыкълары гъакъда лакъыр юрюле.

Башилагъы саламлар

1 ¹ Бу кагъызны Аллагъны буйругъу булан Иса Месигъни элчиси болгъан мен, Павел, язаман. Эфесде Иса Месигъге амин болгъан Аллагъны халкъына салам! ² Атабыз Аллагъдан ва Раббибиз Иса Месигъден сизге рагъму ва парахатлыкъ болсун!

Месигь берген ругь савгъатлары

³Раббибиз Иса Месигьни Атасы болгъан Аллагъгъа гъар алгъышлар болсун! Месигь булан бирликде О бизге кёклердеги бары да ругь савгъатларын берди. ⁴Озьюню алдында биз таза юрекли, айыпсыз болсун учун ва сююв булан яшасын учун, дюнья яралгъынча алданокъ да Аллагъ Месигьден таба бизин сайлады. ⁵Иса Месигьден таба Аллагъ бизге Озьюню авлетлери болмакъны алданокъ белгиледи. Будур Ону мурады ва кёп сююп этген иши!

⁶Сююмлю Уланьндан таба бизге асламдан берген макътавлу зор яхшылыгъы учун Аллагъгъа алгъыш этейик ⁷⁻⁸Ону къаны тегюлмеклигинден таба биз гюнагъларыбыздан гечилдик ва азатлыкъгъа етишдик. Ону рагъмусу шонча да гъисапсыз чы, О бизге аявсуздан Озьюню бютюн англавундан ва гъакъылындан тегюп къойду.

⁹О Озьюню сырлы мурадын бизге ачыкъ этди. Озью яхшы гёрюп, шо мурады башынданокъ Месигьден таба яшавгъа чыгъарылды. ¹⁰Белгилеген заман етгенде, Аллагъ шо мурадын тамамлажакъ, кёклердеги ва ердеги бары да затны бирлешдирип, Месигьге таби этежек. ¹¹Месигьден таба Аллагъ бизин Озьюню халкъы этип сайлады. Дюньядагъы бары да затны Озью сюйген кюйде ва Озьюню гёнгюлюне гёре этеген Аллагъ шону бизге алданокъ белгиледи. ¹²Шогъар гёре биз, биринчи-лей болуп Месигь булан умутубузну байлагъанлар, макътавлу Аллагъыбызгъа алгъышлар этейик.

¹³Сизге къутгъарылыв гелтиреген гъакъ гертиликини каламын – Сююнч Хабарны – эшитген заманда, сиз де Месигьники болуп токътадыгъыз. Шогъар инангъан сонг, сиз Озьюнюки экенни гёрсетип, Аллагъ сизге ваъда этилген Ругъун берди. ¹⁴Шо Ругъ бизге, Озьюнюки болгъанлагъа, Аллагъ толу кюйдеги азатлыкъ бергинче, бизин варислигибизни юкчю-сюдюр. Шогъар гёре де биз макътавлу Аллагъгъа алгъыш этейик!

Павел Аллагъгъа дуа ва шюкюрлюк эте

¹⁵Шо саялы мен де, Раббибиз Исагъа бакъгъан якъдагъы сизин иманыгъызны ва Аллагъны бары да халкъына бакъгъан якъдагъы сюювюгюзню эшитгенден берли, ¹⁶бир токътамай Аллагъгъа шюкюрлюк этемен ва сизин учун дуа этемен. ¹⁷Раббибиз Иса Месигьни Аллагъы, макътавлу Атасы, Озьюн сиз яхшы танысын деп, сизге гъакъыл ва англав берген Ругъун савгъат этсин деп мен дуа этемен. ¹⁸⁻²⁰Аллагъ сизин озьюне багъып чакъыргъан умутну, Озьюню халкъы булан сиз ортакъ этежек варисликни зорлугъун ва бизге, Исагъа иман салагъанлагъа, таъсир этеген Озьюню къудратыны гъатсыз уллулугъун сизге гёрмеге англав берсин деп дуа этемен. Шо къудрат Аллагъ Месигьни озьюмден тирилтгенде ва Ону

кёклерде Озьюню онг ягъында олтуртгъанда гёрюндю. ²¹Янгъыз бу дюньябызда тюгюл, гележек дюньябызда да Аллагъ Месигьни бары да пачалардан, гъакимликден, башчылыкъдан, гючлерден, гъар-бир чинлерден оьрге чыгъарды. ²²Аллагъ буланы барын да Месигьге таби этди, Ону бары да затгъа, Огъар иман салгъанланы барысына да Баш этип салды. ²³Месигьге иман салгъанлар барысы да Ону къаркъарасы болуп токътай. Месигь Озью булан шону ва бютюн бары затны да толу этип токътай.

Озьюмден яшавгъа багъып

2 ¹Бир заманларда, Мусаны Къанунун бузагъаныгъыз ва гюнагъ этегенигиз себебли болуп, сиз оьлген эдигиз. ²Шо заман сиз бу дюньяны ёллары булан юрюдюгюз ва гъавалардагъы жинлени ёлбашчысына таби болдугъуз. Аллагъгъа тынгламайгъанлагъа гъали о ёлбашчылыкъ да этип тура. ³Бир заманларда биз барыбыз да шотай эдик. Биз гюнагълы табиатыбызгъа тынглап, къаркъарабыз сюйгенни ва оюбузгъа гелгенни этип турдукъ. Шо табиатыбыз себебли болуп, бары да халкъны йимик, бизин де Аллагъны жазасы къаравуллай эди.

⁴Амма рагъмусу кёп болгъан Аллагъ бизин о даражада кёп сюегенин гёрсетди чи, ⁵гъатта бизге, Къанунну да бузуп оьлюп турагъанлагъа, Месигь булан бирче яшав берди! Сиз Ону рагъмусу булан къутгъарылдыгъыз. ⁶Иса Месигь булан бирче Аллагъ бизин тирилтди ва кёклерде Ону къырыйында олтуртду. ⁷Шону О Озьюню зор яхшылыгъы булан Иса Месигьден таба бизге этген рагъмусуну тенги ёкъ толулугъу бары да заманлагъа хас болгъанлыкъны гёрсетмек учун этди. ⁸Неге тюгюл де, сиз этген ишлеригизден таба тюгюл, янгъыз Аллагъны рагъмусу булан иманыгъыздан таба къутгъарылдыгъыз. О Аллагъны савгъатыдыр. ⁹Къутгъарылывну къазанып болмай, шо саялы ону булан бирев де макътаньп болмас. ¹⁰Биз Аллагъны яратывубуздор. Озью алданокъ белгилеген ишлени къутмек учун, Аллагъ бизин Иса Месигь булан бирликде гъалиги кююбюзде яратды.

Месигьден таба бир халкъ болув

¹¹⁻¹²Сиз, тувмадан ят халкълар, «сюннет этилмегенлер» деп айтылагъан ягъудилер, озьлеге, инсанни къоллары булан этилеген гесивню гёз алгъа тутуп, «сюннет этилгенлер» деп айтылагъанлар, бир заманда Месигьсиз яшагъаныгъызны эде сакълагъыз. Сиз Исрайылны халкъыны санавуна гирмей эдигиз. Аллагъны Озьюню халкъына этген ваъдалары сизин учун тюгюл эди. Сиз бу дюньяда Аллагъсыз ва умутсуз яшай эдигиз. ¹³Гъали буса – Иса Месигь булан бирликде – сиз бир вакътилерде арекедилер, Ону къурбанлы озьюмюню яхшылыгъындан ювукъдагъылар болдугъуз.

¹⁴⁻¹⁵ Месигь чи бизин ярашывлугьбуз. О ягьудилени ва ят халкъланы бир халкъ этип бирикдирди, бизин айырагъан оьчлюкню барусун бузду. Къаркъарасын къурбан этмек булан О Къанунну, ону буйрукъларын ва къайдаларын ёкъ этди. Ону мурады ягьудилерден ва ят халкълардан янгы бир инсан яратмакъ ва шолайлыкьда ярашывлукъ гелтирмек эди. ¹⁶ Хачда оьлмеклиги булан Месигь оланы Аллагьны алдында бир къаркъара этип бирлешдирди ва душманлыкьны оьлтюрдю. ¹⁷ О гелип, йыракьда болгъан сизге ва ювугьундагьылагьа ярашывлукьну гьакьында Сююнч Хабар билдирди. ¹⁸ Ондан таба биз — ят халкълар ва ягьудилер — бир Ругь булан Атабызгьа ювукьлашмагьа болабыз.

¹⁹ Шогьар гёре сиз ят халкълар ва гелгинчилер тьюгюлсюз, Аллагьны халкъы булан бир ватандашларсыз ва Ону агьлюсюндегилерсиз. ²⁰ Сиз элчилени ва пайхаммарланы къюрчюсюнде этилген Ону бинасысыз. Иса Месигь Озью буса къюрчюню баш ташы болуп токьтай. ²¹ Шо бинаны Месигь къура, Раббизни сыйлы ибадатханасы болмакъ учун оьсе. ²² Сиз де къалгъанлар булан бирче уьй къурмакъ учун, Ондан таба оьзюгюсюню яратасыз. Шо уьйде Аллагь Озьюню Ругьундан таба яшай.

Павелни ят халкъланы арасында къуллукъ этивю

3 ¹ Бу себепден мен, Иса Месигьге ва сизге къуллукъ этегеним саялы туснакъдагьы Павел, дуа этемен. ² Сизге деп Аллагьдан магьа нечик мол савгъат инанылып берилгенин сиз, озокьда, эшитгенсиз. ³ Мен оьрде къысгъача язгъан кюйде, Аллагь магьа Озьюню сырын ачды. ⁴ Бу кагьызымны охугъан заманда, магьа Месигьни сыры гертилей де ачыкъ болгъанны сиз англамагьа болажакьсыз. ⁵ Гьали сыйлы элчилерине ва пайхаммарларына Аллагьны Ругьу ачыкъ этген сыр алдагьы наслулагьа белгили болмагъан. ⁶ Шо сыр будур: Сююнч Хабарны яхшылыгьындан ят халкълар исрайыллылар булан бирге варислер, бир къаркъараны санлары ва Иса Месигьден таба этилген ваьданы ортакьчылары болуп токьтайлар.

⁷ Озьюню зор яхшылыгьы ва гючю булан Аллагь магьа берген савгъатгьа гёре мен Сююнч Хабарны билдиреген къуллукьчу болуп токьтадым. ⁸ Аллагьны бары да халкъыны арасында мен инг де гиччиси бусам да, Месигьни тьогесинмейген байлыгьын ят халкъланы арасында билдирмек йимик гьюрметли савгъат магьа тапшурулду. ⁹ Шо яшыртгьын сырны гьакьында бары да халкъгьа билдирмек магьа тапшурулду. Бары да затны яратгъан Аллагь дюньяны яратгъандан берли шо сырын яшырып турду. ¹⁰ Гьали буса кёклени гьакимлерине ва есилерине Аллагьны кёп тармакълы гьакьылы Исагьа иман салгъанланы жыйынындан таба ачыкъ бола. ¹¹ Озьюню инг аввалгьы хыялына гёре, бу затланы Аллагь Раббизни Иса Месигьден таба яшавгьа чыгъарды. ¹² Ону булан бирликде ва Огьар иман салмакъ булан биз эркин ва

инамлы кюйде Аллагьгьа ювукьлашма болабыз. ¹³ Шогьар гёре де тилеймен сизге: сизин учун мен чегеген азаплар сизин гёнгюлсюз этмесин, неге тьюгюл олар сизин макьтавлу этежек.

Иса Месигьни бизге бакьгъан сююво

¹⁴⁻¹⁵ Кёклердеги ва ерлердеги бары да зат Озьюнден баш алагъан Атабызны алдында мен тизлеримни бюгемен. ¹⁶ Озьюню Ругьундан таба сиз ругь якьдан чыдамлы болсун учун, мен Аллагьгьа макьтавлугьуну хазналарындан сизге де гюч берсин деп тилеймен. ¹⁷ Юреклеригизде имандан таба Месигь яшасын деп, сююв сизин тамуругьуз ва къюрчюгюз болсун деп мен дуа этемен. ¹⁸ Шо заман Аллагьны бары халкъы булан Месигьни сюювоюню генглигин, узунлугьун, бийиклигин ва теренлигин англамакъ учун сизин таман чакьы гючюгюз болажакь. ¹⁹ Гьар-бир англадан да оьрде экенине де къарамайлы, сиз шо сюювге тьюшюнюп, шо даражада камил болажакьсыз чы, гьатта Аллагьны толу камиллигине етежексиз.

²⁰ Огьар, гьали Озьюню къудраты бизде иш гёреген ва биз тилейгенибизден яда гьатта хыял этегенибизден де артыкъны этеген Аллагьыбызгьа, ²¹ Иса Месигьден ва Огьар иман салгъанларындан таба гьар даим ва бары да наслуларда макьтавлар болсун дагьы! Амин.

Ругь бирлиги

4 ¹ Мен, Раббизге къуллукъ этегеним саялы туснакъгьа тьюшген Павел, тилеймен сизге: Аллагь сизге этген чакьырывгьа лайыкълы яшав булан яшагьыз. ² Гьар заман саламат, юваш хасиятлы, чыдамлы, бир-биригизге сабурлу болугьуз, сююв булан янашыгьыз. ³ Сизин бирлешдиреген парахатлыкьдан таба Ругь бирликни сакьлама къасткъылыгьыз. ⁴ Аллагь сизин оьзюне багьып чакьыргъан умут бир болгъаны йимик, Ону Ругьу бир, къаркъара бир, ⁵ Раббиз бир, иман бир, сувгьа чомдуруп, Аллагьгьа багьышлатыв бир ⁶ ва бютюн инсанланы Атасы болгъан Аллагь бир. О барыбыздан да оьрде, барыбызны да ичибизде ва барыбыздан да таба иш гёре.

⁷ Бизин гьарибизге Месигьни чомартлыгьына къыйышывлу болуп савгъат берилди. ⁸ Муна шо саялы Сыйлы Язывларда булай язылгъан:

О оьрлюкьлеге гётерилди, есирлени Озью булан алып юрюдю ва инсанлагьа савгъатлар берди.

⁹ «Гётерилди» демек О дюньягьа тьюшген болгъан демекни де англата. ¹⁰ Тёбен тьюшген ва Озью булан бары да затланы толу этмек учун, кёклерден оьрге гётерилген Биревдюор. ¹¹ О бирлерине элчилер, бирлерине пайхаммарлар, башгъаларына Сююнч Хабарны билдиривчюлер, бирдагьыларына Озьюню халкъыны гьайын этивчюлер, оьзгелерине устазлар болмакъны савгъат этди. ¹²⁻¹³ Аллагь оланы барын да Озьюню халкъы

Месигъни къаркъарасын беклешдирирге къуллукъ этсин учун берди. Олар бизге иманда, Аллагъны Уланын танымакъда барыбыз да бир йимик даражагъа етишгинче, барыбыз да токъташгъан адамлар болгъунча ва бютюн яшавубуз Месигъни толу камиллигине етгенче кѳмек эте.

¹⁴Шо заман, гъар тюрлю уйретивлени толкъунлары, еллери, инсанланы гыллачылыгы ва ялгъанлары алып, ари де, бери де ташлайгъан гиччи яшлар йимик болмасбыз. ¹⁵Терсине, сююв булан гъакъ гертилике гѳре юрюй туруп, къаркъараны Башы болгъан Месигъге ювукълаша туруп, гъар-бир якъдан оъсюп къалайыкъ. ¹⁶О бютюн къаркъара бир ерде бирлешеген, ону бары да санлары гъариси оъсюню айры-айры къуллукъларын къютеген къюню этди. Гъар айры сан тийишли къюде къуллукъларын къютегенде, бютюн къаркъара сююв булан оъсе ва беклеше.

Биз нечик яшамагъа тарыкъбыз?

¹⁷Шо саялы Раббизни аты булан сизге бувараман: ят халкълар йимик яшайгъан къююгюню къююгъуз. Оланы бары да ойлари бошдур. ¹⁸Оланы англаву тунукълашгъан, олар Аллагъны яшавундан магърюм этилген ва оъзлени авамлыгы саялы олар хырча болгъан. ¹⁹Олар уят деп айтагъан затын тас этип, напсына шо даражада берилип къалгъан чы, гъеч бир де уялмайлы, къанмайлы, къайдагы пасатлыкълар булан машгъул болалар.

²⁰Тек Месигъни гъакъында сиз о затны туююл билгенигиз. ²¹Эгер де, озокъда, сиз Ону гъакъында эшитген бусагъыз ва Ону гъакъында сизин уйретген буса, неге туююл де гъакъ гертилик Онукидир. ²²Алдагы яшавугъузгъа хас болгъан затгъа, оъзюгюздеги ялгъан гъасиретликлер пуч этеген дѳнген инсангъа арт беригиз деп уйрете эди сизин. ²³Аллагъны Ругъу гъакъылыгъызны янгыртсын. ²⁴Сиз гъакъ герти муъминликде ва сыйлылыкъда Аллагъны келпетине ошашдырылып яралгъан инсангъа айланмагъа герексиз.

²⁵Сизин гъаригиз, ялгъанны къююп, оъзлеге гъакъ герти затны сѳйлесин, неге туююл биз барыбыз да бир къаркъараны санларыбыз. ²⁶«Къзаплангъанда, гюнагъ иш этмегиз», гюн батгъынча къзапланывугъузну тайдырмагъа къарагъыз. ²⁷Яшавугъузда иблисге ер бермегиз. ²⁸Бир урлагъан дагы урламагъа туюшмей. Терсине, тарчыкълыкъдагылагъа пай чыгъарып болмакъ учун, оъсюню къоллары булан загъмат тѳкмеге туюше. ²⁹Сизин авзугъуздан бир де нас сѳз чыкъмасын, янгыз тарыкълы затгъа насигъаты булангъы, тынглавчулагъа пайдалы сѳзлер чыкъсын.

³⁰Аллагъны Ругъун да пашман этмегиз. О сиз Аллагъныки экенлигизни тасдыкъ этеген затдыр ва Гюню етишгенде, Аллагъ сизин толу къюде азат этегенликни белгисидир.

³¹Гъар тюрлю намартлыкъдан, ачувлулукъдан, къзапланывдан, акъырывдан, яла ябывдан ва оъзге яман ишлерден арек туругъуз. ³²Бир-биригизге рагъмулу, языкъсынагъан болугъуз, Месигъден таба Аллагъ сизин гечгенде йимик, бирев биревден гечигиз.

«Нюрню адамлары йимик яшап къалыгъыз»

С¹Аллагъдан уялгю алыгъыз, неге туююл де сиз Ону кѳп суйген авлетлерисиз. ²Месигъ, бизин сююп, бизин учун Оъсюн Аллагъгъа атирли ва арив къурбан этип бергени йимик, сиз де сююв булан яшагъыз.

³Сизин арагъызда гъеч бир де пасатлыкъгъа яда оъзге тюрлю наслыкъгъа, яда къызгъанчылыкъгъа байлавлу лакъыр да болмагъа туюшмей. Аллагъны халкъына шолай затлар къыйышмас. ⁴Сѳйлеюгюзде гъеч бир пасатлыкълар, бош хабарлар ва гъонкъа масхаралар болмасын. Булар сизге къыйышмас. Ону орнуна Аллагъгъа шюкюр этигиз. ⁵Билип къююгъуз: пасат ва нас яшав юютеген, къызгъанч адамлагъа (оланы ялгъан аллагълагъа къуллукъ этегенлерден бир башгъалыгы да ѳкъдур) Аллагъны ва Месигъни гъакимлигини туююнде яшамагъа ихтияр берилмежек.

⁶Вѳре, ялгъан сѳзлер булан сизин бирев де алдатып къоймасын. Шо затлар чы таби болмайгъанлагъа Аллагъны къзапланывун тувдура. ⁷Шо саялы да олар булан ортакъчы болмагъыз. ⁸Неге туююл де, бир вакътилерде сиз къарангылыкъда эдигиз, гъали буса Раббиз булан бирликде болгъаныгъыз саялы, нюрге чыкъгъансыз. Нюрню адамлары йимик яшап къалыгъыз. ⁹Гъар тюрлю яхшы ишлер, муъминлик ва гъакълыкъ нюрню емишлеридир. ¹⁰Раббиз рази къалагъан затны англамагъа къарагъыз. ¹¹Къарангылыкъны пайдасыз ишлери булан, вѳрегиз, ортакъчы болмагъыз, терсине, шо ишлени аян этигиз. ¹²Шолай адамлар яшыртгъынлыкъда не булан машгъул болагъанны айтмакъ да айыпдыр. ¹³Бары да яшыртгъын затлар нюрде гѳрюнюп къала. ¹⁴Нюр бары да затны гѳрюнеген этип къоя. Шо саялы булай айтылгъан:

Уян, гъей юхлайгъан адам, оълумден тирил! Месигъ сени нюрлендирежек.

¹⁵Оъзюгюню яшав къайдагъызда сакъ болугъуз. Гъакъылсызлар йимик яшамагъыз, гъакъыллылар йимик яшагъыз. ¹⁶Заманны аягъыз, неге туююл бу гюнлерде яманлыкъ оътесиз кѳпдюр. ¹⁷Англавсуз болмагъыз, Раббиз не зат сюегенни англамагъа къаст этигиз. ¹⁸Эсирип къалгъынча чагъыр ичмегиз, шо пасатлыкъгъа элте. Ону орнуна Аллагъны Ругъундан толмагъа къарагъыз. ¹⁹Оъз арагъызда Аллагъгъа макътав, алгъыш этеген йырланы ва дин йырланы йырагъыз. Юреклеригизде

Раббибизни макътап йырлагъыз. ²⁰ Даим ва гъар зат учун Раббиз Иса Месигъни аты булан Атабыз Аллагъга шюкюр этигиз.

²¹ Месигъге гъюрмет этивню белгиси гъисапда бирев-биревге таби болугъуз.

Эрлер ва къатынлар

²² Гъей къатынлар, эрлеригизге Раббизге йимик таби болугъуз.

²³ Къаркъараны къутгъарагъан Месигъ Оъзюне иман салгъанланы жыйыныны Башчысы болгъаны йимик, эр де къатыныны башчысыдыр.

²⁴ Иманлылар Месигъге нечик таби бола буса, къатынлар да эрлерине гъар затда таби болмагъа гереклер.

²⁵ Гъей эрлер, Месигъ Оъзюне иман салгъанланы жыйынын нечик сюе буса, сиз де къатынларыгъызны шолай сююгюз. Месигъ Оъзюню жыйыны учун жанын берди.

²⁶ Жыйынны Оъзюнюки болагъан кюйню этмек учун, ону сув булан ва калам булан гюнагъларындан тазаламакъ учун ва

²⁷ олар шавла береген, тетиксиз, дамгъасыз, демек сыйлы, нарыстадай таза болсун учун, Месигъ шолай этди.

²⁸ Эрлери де оъзлени къатынларын лап шолай сюймеге, оъ къаркъараларын йимик сюймеге гереклер.

Къатынын сюеген гиши оъзюне де сюедир.

²⁹ Оъзюню къаркъарасын сюймейген гиши ёкъдур, гъар ким къаркъарасын ашатып сакълай ва ону гъайын эте.

Месигъ де шолай Оъзюне иман салгъанланы жыйыныны гъайын эте,

³⁰ неге тюгюл биз ону къаркъарасыны санларыбыз.

³¹ Сыйлы Язывларда: «Шону учун эргиши атасын ва анасын кююп, къатыны булан бирлешежек. Экевю де туташ бир къаркъара болуп къалажакъ», – деп язылгъан.

³² Бу сыр уллудур, о Месигъ ва ону жыйыны булан байлавлудур.

³³ Сизге буса булай айтаман: гъар эргиши къатынын оъзюне сюеген йимик сюймеге, къатыны да эрине гъюрмет этмеге герек.

Ата-аналар ва авлетлер

6 ¹ Гъей яшлар, сиз Раббиникисиз, шо саялы ата-анагъызгъа тынглавлу болугъуз, о сизин борчугъузду. ²⁻³ «Оъзюнгю атанга ва ананга гъюрмет эт. Шо заман сагъа яхшы болажакъ ва дюньяда да узакъ яшажакъсан» – муна ичинде ваъдасы булангъы Аллагъны биринчи буйругъу.

⁴ Гъей аталар, сиз де авлетлеригизни къазапландырмагъыз, олагъа Раббиз сюеген затны уйретип тарбия беригиз.

Есилер ва къуллар

⁵ Гъей къуллар, Месигъге нечик таби болажакъ эдигиз буса, сизин бу дюньядагъы есилеригизге де гъакъ юрекден, гъюрмет булан ва къоркъув булан таби болугъуз.

⁶ Шону есилеригизни сизге бакъгъан якъда яхшы къарайгъанлыгъын къазанмакъ учун тюгюл, Аллагъ сюеген затланы гъакъ

юрекден кютеген Месигъни къуллары гъисапда этигиз. ⁷ Инсанлагъа тюгюл, Раббизге нечик къуллукъ этежек эдигиз буса, шолай гъаракатчылыкъ булан загъмат тегюгюз. ⁸ Къул яда азат адам экенине де къарамайлы, Раббиз гъар-бир яхшы иш учун тийишлисин бережекни билгиз.

⁹ Сиз де, гъей есилер, къулларыгъызгъа шолай яхшы къарагъыз, къоркъув беривлени де кююгюз. Кёклерде оланы ва сизин Есигиз бир экени эде сакълап туругъуз. О гъеч биревню биревден артыкъ гёрмес.

Аллагъны савутлары

¹⁰ Ахырда да, оъзюгюзню Раббизни зор къудраты булан беклешдиргиз.

¹¹ Иблисни гъиллаларына къаршы туруп болмакъ учун, Аллагъны савутларындан тагъыгъыз.

¹² Биз инсанлагъа къаршы ябушмайбыз, ругъ башчылагъа, гъакимлеге, бу къарангы дюньяда иш гёреген гючлеге ва кёкде яманлыкъ этеген жинлеге къаршы ябушабыз.

¹³ Шо къара гюнлер гелген заманда, бары да чапгъынланы гери урмакъ учун ва бары да сынавлардан оьтме болмакъ учун, къолларыгъызгъа Аллагъны савутларындан алыгъыз.

¹⁴ Къатып токътагъыз, белгизге гъакъ гертиликини белбавун байлагъыз ва устюгюзге муьминликини гюбесин гийигиз.

¹⁵ Ярашывлукъну гъакъындагъы Сююнч Хабарны билдирмеге гъазирликини аякъгийимин гийигиз.

¹⁶ Ондан къайры да, иблисни жыжымлы окъларын сёндюрюп болмакъ учун, къолугъузгъа иманны къалкъанын алыгъыз.

¹⁷ Башыгъызгъа къутгъарылывну башлыгъын гийигиз ва къолугъузгъа Ругъну кылычын, демек Аллагъны каламын алыгъыз.

¹⁸ Дуа этегенде, тилейгенде, гъар гезик Аллагъны Ругъу булан дуа этигиз.

Шо саялы да гъазир кюйде туругъуз ва Аллагъны бары да адамлары учун къаныгъывлу кюйде дуа этигиз.

¹⁹ Магъа тарыкълы сёзлер табулсун ва Сююнч Хабарны сырын мен тартынмайлы билдирмеге болсун деп, мени учун да дуа этигиз.

²⁰ Гъали мен туснакъдаман, неге тюгюл де мен, Аллагъны вакили, Сююнч Хабарны билдире эдим. Шо Сююнч Хабарны мен тарыкълы кюйде, къоркъувсуз билдирсин деп дуа этигиз.

Ахыргъы саламлар

²¹ Бары да затны ва мени мундагъы кююм нечик экени гъакъында бизин сююмлю иман къардашыбыз ва Раббизни инамлы къуллукъчусу болгъан Тигъик сизге айтар.

²² Мен ону яныгъызгъа сиз бизин гъалыбызны билсин ва сизин ругъландырсын деп йиберемен.

²³ Атабыз Аллагъдан ва Раббиз Иса Месигъден иман къардашлагъа паракатлыкъ, сююв ва иман болсун дагъы.

²⁴ Раббиз Иса Месигъни токътавсуз кюйде сюегенлени барысына да Аллагъны рагъмусу болсун.